



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 94 (12.155)

Баҳоси эркин нарҳда

2012 йил 14 МАЙ, ДУШАНБА

ТОШКЕНТ ОҚШОМИ

ТАРИХИЙ ХОТИРА ВА МАЪНАВИЙ ТАРАҚҚИЁТ

Хабар берилганидек, Тошкент шаҳридаги Турин политехника университетида Республика Маънавият ва маърифат кенгашининг кенгайтирилган йиғилиши бўлиб ўтди. Йиғилишда Кенгаш аъзолари, республика олий ўқув юр்தларининг ректорлари, маънавият ва маърифат масалалари бўйича проректорлар, фан, маданият, санъат намояндалари, оммавий ахборот воситалари вакиллари иштирок этди. Йиғилишни Ўзбекистон Республикаси Бош вазири, Республика Маънавият ва маърифат кенгашининг раиси Ш.Мирзиёев бошқарди.

Мамлакатимизда амалга оширилаётган кенг қўламли ижтимоий-сиёсий, иқтисодий ислохотларнинг маъно-мазмунини жамоатчиликка етказиш, маънавий-маърифий тарғибот ишларининг самарадорлигини ошириш, ёшларимизни миллий ва умуминсоний қадриятлар уйғунлиги руҳида тарбиялаш борасида қабул қилинган аниқ дастурлар асосида кейинги йилларда катта ишлар қилинаётгани маълум бўлди.

Айниқса, миллий истиқлол ғоясининг асосий тушуни ва тамойилларини, Президентимиз Ислам Каримовнинг «Юксак маънавият – энгилмас куч» ва «Ўзбекистон мустақилликка эришиш оstonасида» китобларини, «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси»ни ўқиб-ўрганиш бўйича амалга оширилган илмий-маърифий тадбирлар маънавий ҳаётимизни юксалтиришда беқиёс аҳамият касб этмоқда.

Маълумки, давлатимиз раҳбари ўзининг ҳар бир чиқишида маънавият соҳасидаги долзарб муаммолар, халқимиз, айниқса, ёш авлодимизнинг қалби ва онгини зарарли таъсир ва хуружлардан ҳимоя қилиш, миллий қадрият ва анъаналаримизни асраш масаласига алоҳида эътибор қаратади.

Жумладан, шу йил 9 май куни пойтахтимиз Тошкент шаҳрида Хотира ва қадрият кунига бағишлаб ўтказилган маросимда оммавий ахборот воситалари вакиллариининг саволларига жавоб берар экан, Ўртбошимиз мамлакатимиз тараққиёти, халқимизнинг бугунги ва эртанги ҳаёти, минтақамиз ва жаҳондаги мавжуд вазиятга доир ўта муҳим ғоя ва хулосаларни баён этди. Ана шу фикрларни халқимиз, аввало ёшларнинг қалби ва онгига сингдириш масалалари Республика Маънавият ва маърифат кенгаши мажлисида атрофликча муҳокама қилиниб, бу борадаги долзарб вазифалар белгилаб олинди.

Бўлиб ўтган қизгин фикр алмашувларда ўтганлар хотирасини ўз ёдида сақлаб, эъзозлаб яшаш халқимиз учун энг муқаддас вазифалар бўлиб келгани, муҳим ва аёвсиз урушнинг такрорланмаслиги, унинг илдирилиши яна униб чиқишининг олдини олиш ҳозирги вақтда энг долзарб муаммо бўлиб қолаётгани, бугунги шиддатли замонда доимо сергак ва ҳушёр бўлиб, бошқаларнинг дардини ўзига яқин олиб яшаш ғоят муҳим аҳамият касб этаётгани, жаҳоннинг турли ҳудудларида фашизм деган офат, афсуски, яна бош кўтараётгани, миллатчилик каби жуда хавфли иллат тобора тарқалиб бораётгани Президентимиз томонидан ғоят ўткир масала сифатида кун тартибига қўйилганига эътибор қаратилди.

Ўзбекистон Республикаси Савдо-саноат палатаси тадбиркорлар учун Очиқ эшиклар кунини ўтказди. Тадбирда Ўзбекистон Республикаси Давлат божхона ва солиқ қўмиталари, акциядорлик-тижорат банклари, «Ўзбекэнерго» давлат акциядорлик компанияси ва бошқа идоралар вакиллари қатнашди.

Мамлакатимизда кичик бизнес ва хусусий тадбиркорликни ҳар томонлама қўллаб-қувватлаш, уларга қулай шарт-шароитлар яратиш, имтиёз ва преференциялар бериш, ҳуқуқ ва эркинликларини ҳимоялаш устувор вазифа этиб белгиланганлиги таъкидланди.

Сўнги йилларда Ўзбекистонда қулай ишбилармонлик муҳитини таъминлаш борасида самарали ишлар амалга оширилди. Президентимизнинг 2011 йил 7 январда қабул қилинган 2011-2015 йилларда Ўзбекистон иқтисодиётида ислохотларни чуқурлаштириш ва қўламини кенгайтириш, мамлакатда ишбилармонлик муҳитини шакллантириш мезонлари ва уларни баҳолаш тизимини белгилаш ҳамда амалга ошириш чора-тадбирлари дастури тўғрисидаги Қарори ушбу йўналишдаги ислохотларнинг мантиқий давоми бўлди.

Ўзбекистоннинг барча ҳудудларидан келган тадбиркорлар иштирок этган ушбу тадбир видеоконференция шаклида ўтказилди.

Бугунги кунда Ўзбекистон эришаётган, дунё тан олаётган улкан натижаларнинг негизиде турган асосий омил – инсон омил экани, тарихий дохиллар эмас, балки онгли ва бунёдкор инсон, халқ яратиши, ҳар қайси униб-ўсиб келаётган ёш авлоднинг ўз ота-боболари анъаналарини давом эттириб, уларнинг хотираси, бебаҳо меросига нисбатан ҳурмат-эҳтиром, ғурур-ифтихор ҳисси билан яшаш, тарихий хотира ва авлодлар ўртасидаги ворислик туйғусининг узвий боғлиқлиги, мамлакатимизда 2012 йилнинг «Мустақкам оила йили» деб эълон қилиниши ҳам инсон омилга бўлган эътиборнинг амалий ифодаси экани, биз учун энг катта бойлик бўлган тинчлик-осойишталикни асрашда миллий армияимизнинг роли ва аҳамияти ҳақида давлатимиз раҳбари томонидан баён этилган кенг қамровли фикрлар мажлисидаги чиқишларнинг асосий мавзуси бўлди.

Энг муҳими, бундай ўткир фикр ва ғоялар бугунги мураккаб ва таҳликали замонда ёшларнинг кўзини очишга, уларнинг мафкуравий иммунитетини мустаҳкамлашга хизмат қилиши, Ўртбошимизнинг «Ёшларга ўзимга ишонгандек ишонманам» деган сўзлари навқирон авлодимизга бўлган юксак меҳр ва эътиборнинг яна бир ёрқин намунаси экани алоҳида қайд этилди.

Тадбирда Тошкент давлат иқтисодиёт университети проректори М.Болтабоев, адабиётшунос олим Ш.Ризаев, шоир Қўчқор Норқобил, Тошкент Ислам университети проректори Ш.Акмалов, Миллий ғоя ва мафкура илмий-амалий маркази раҳбари М.Қуронов, Ўзбекистон халқ артисти О.Назарбеков, Қорақалпоғистон давлат университети ректори А.Матчанов, «Камолот» ЁИХ Тошкент шаҳар кенгаши раиси О.Маҳкамов, Тошкент ахборот технологиялари университети талабаси З.Тазетдинова, Ўзбекистон халқ ёзувчиси Муҳаммад Али, Ўзбекистонда хизмат кўрсатган артист Т.Саидов ва бошқалар сўзга чиқиб, муҳокама этилган масалалар юзасидан ўз фикр-мулоҳазаларини билдирди.

Мажлисида Президентимиз томонидан баён этилган дастурий ғояларни таълим тизимида атрофликча ўрганиш, шу асосда Республика Маънавият ва маърифат кенгашининг алоҳида тадбирлар режасини ишлаб чиқиш, унинг марказий ва ҳудудий тузилмалари ишини қайта кўриб чиқиш, уларнинг фаолият самарадорлигини ошириш бўйича аниқ вазифалар белгилаб олинди.

Йиғилишда Ўзбекистон Республикаси Президентининг Давлат маслаҳатчиси Х.Султонов иштирок этди.

(ЎЗА)

ПОЙТАХТНИНГ БИР КУНИ



Айни вақтда Республикаимизда тиббиёт соҳасига бўлган эътибор кун сайин ривожланиб бормоқда. Бу эса тиббиёт ходимларининг ҳам ўз устларида пухта ишлашга, замонавий тиббиёт асбоб-ускуналаридан фойдалана олиш ва тиббиёт соҳасида яратилаётган ҳар қандай янгиликлардан хабардор бўлишига ундамоқда.

АҲОЛИ САЛОМАТЛИГИ ЙЎЛИДА

Кунларнинг исини билан юртимизда юқумли касалликларнинг тарқалиши эҳтимоли янада ортади. Шу сабабли аҳоли орасида турли касалликлар авж олади. Бундан ташқари аҳолининг профилактика мақсадида тиббий кўриқдан ўтшиш жараёнида ҳам баъзи ҳолларда тиббий асбоб-ускуналарнинг стерилизация, дезинфекцияси сифатли бўлмаганлиги ёки зарарсизлантириш воситаларининг талаб даражасида эмаслиги натижасида турли касалликларни юктириб олиш эҳтимоли пайдо бўлади. Айнан шундай ҳолатларнинг олдини олиш мақсадида «Ўзфармасаноат» ДАК тизимида 2008 йилдан бошлаб фаолият кўрсатаётган «AGRO BIO KIMYO» МЧЖ дезинфекцияловчи воситалар ишлаб чиқаришга ихтисослаштирилганлиги билан ажралиб туради. Мазкур корхонага ўрнатилган технологиялар замонавий ишлаб чиқаришни ташкил этиш ва дезинфекция воситаларининг сифатли ишлаб чиқарилишини таъминламоқда. Бунга тиббий воситаларнинг жаҳон андозалари талабларига тўлиқ жавоб бериши билан бирга импорт ўрнини босиши ва экспортга йўналтирилганлигидан ҳам қўришимиз мумкин. Корхонада ўндан ортиқ турдаги дезинфекция воситалари иш-

лаб чиқарилади. Жамият 2011 йилдан бошлаб ўз маҳсулотларини экспортга ҳам чиқара бошлади. Масалан, корхона «АБК-Экстра» дезинфекцияловчи воситасини Бирлашган Араб Амирикларида етказиб бериш учун 201600 АҚШ доллари ҳисобида шартнома имзолади. Бундан ташқари «Антисептин – ОП» қўллар учун антисептик воситасини ҳам Қозғистон Республикасига экспорт қилмоқда.

Ўтган йиллар мобайнида «AGRO BIO KIMYO» корхонаси қўллаб тиббиёт кўргазмаларида қатнашиб, турли йўналишларда ғолибликни қўлга киритди. Корхонага Ўзбекистон Республикаси Вазирлар Маҳкамасининг 2011 йил 18 январдаги «2011-2012 йилларда Тошкент вилояти Охангарон туманини ижтимоий-иқтисодий ривожлантириш ва аҳоли турмуш даражасини оширишга доир комплекс чора-тадбирлар дастури тўғрисида»ги қарори асосида доривор ўсимликлар етиштириш ва қайта ишлаш учун 38,4 гектар ер ажратилди. Шундан сўнг корхонада ўз фаолиятини кенгайтириш ва Ўзбекистондаги равнақи учун ушбу имкониятдан оқилона фойдаланиш режаси ишлаб чиқилди.

(Давоми 2-бетда)

биринчи чораги яқунлари бўйича бундай тадбирларда 12 мингга яқин тадбиркор қатнашган ва улар томонидан 2,3 мингдан зиёд мурожаат тақдим этилган. Уларнинг 90,1 фоизи жойида ҳал этилган, 9,9 фоизи эса ҳозирги вақтда ваколатли идора ва ташкилотлар томонидан ўрганиб чиқилмоқда.

Мулоқот чоғида тадбиркорлар берган ўнлаб саволлар экспорт-импорт операциялари, товарларни декларация қилиш, лицензиялаш ва стандартлаштириш, божхона тўловларидан озод этилиш, божхона имтиёзларига эга бўлиш, статистика ҳамда солиқ ҳисобдорлигини тайёрлаш каби ҳўжалик муносабатларининг турли жиҳатлари билан боғлиқ бўлди.

– Мен Тошкент вилоятининг Зангиота туманидан келдим, – дейди ўза мўхбирга «Иттифоқ мева сабзавотлари» агрофирмаси директори Ҳамидулла Йўлчиев. – Аввал ҳам минитехнологияларни харид қилиш юзасидан Савдо-саноат палатасига мурожаат қилган эдим ва қисқа муддат ичида тегишли ёрдамни олдим. Бу гал мени дунё бозорларига чиқиш ва шериклар топиш масаласи қизиқтирмоқда. Шуниси эътиборлики, бундай тадбирлар бизнесдаги мавжуд муаммоларни ҳал этиш муддатларини қисқартириш имконини беради.

Меҳрибон МАМЕТОВА



МАМЛАКАТИМИЗДА

• Фуқаролик жамияти шаклланишини мониторинг қилиш мустақил институтининг Қашқадарё вилояти ҳудудий бўлимида ижтимоий-иқтисодий ривожланиш борасидаги муҳим дастурларни амалга оширишда вилоятда фаолият кўрсатаётган нодавлат нотижорат ташкилотлари ва фуқаролик жамиятининг бошқа институтлари иштирокини қўллаб-қувватлашга бағишланган давра суҳбати бўлиб ўтди.

• Ўзбекистон Республикаси Халқ таълими, Соғлиқни сақлаш вазирликлари, «Камолот» ЁИХ, «Маҳалла» хайрия жамоат фонди, Автомобиль ва дарё транспорти агентлиги, «Соғлом авлод учун» халқаро хайрия жамғармаси ҳамда Мудофаага қўмаклашувчи «Ватанпарвар» ташкилоти ҳамкорлигида мактаб ўқувчилари ўртасида ўтказиб келинаётган анъанавий «Яшил чирок» республика кўрик-танловининг Наманган вилояти босқичи яқунланди.

• Балиқчи туманидаги 19-болалар мусиқа ва санъат мактабининг янги биноси фойдаланишга топширилди.

• Қаршида «Интерактив хизматлар – солиқ тўловчилар хизматида» мавзусида семинар бўлиб ўтди. Қашқадарё вилояти давлат солиқ бошқармаси томонидан ташкил этилган мазкур тадбирда соҳа мутахассислари ҳамда солиқ тўловчи юридик ва жисмоний шахслар, солиқ соҳаси бўйича таълим олаётган ёшлар ҳамда журналистлар иштирок этди.

• Тахياتошда Ўзбекистон Хотин-қизлар қўмитаси, «Камолот» ЁИХ, «Маҳалла» хайрия жамоат фонди ҳамкорлигида «Ораста қиз» танловининг шаҳар босқичи ўтказилди. Танловда умумтаълим мактабларининг юқори синф ўқувчилари «Оила сирлари», «Кийинги маданияти», «Пазандачилик маҳорати» каби шартлар бўйича ўзаро беллашдилар.

ЖАҲОНДА

• Германиянинг Шимолий Рейн-Вестфалия ерида ландагга ўтказилган сайловларда А. Меркель партияси мағлубиятга учради.

• Кеча Бангладешда намоийшчилар ва полициячилар ўртасида рўй берган тўқнашувлар натижасида юздан ортиқ одам жабрланди.

• Ўтган бир кеча-кундуз давомида ўт ўчирувчилар томонидан Узок Шарқдаги ўрмон ёнгинларининг йиғирма биттаси бартараф этилди.

• Колумбияда исёнчилар ўзлари ўғирлаган француз журналистини озод қилишга рози бўлдилар.

• Кеча Ироқда амалга оширилган бир нечта теракт натижасида тўрт киши ҳалок бўлди, ўн олти киши турли даражадаги тан жароҳатларини олди.

• Венгрияда чекишни тақиқлаш тўғрисида қарор қабул қилинди, деб хабар беради ПАТА-ТАСС. Энди жамоат жойларида чекиш қатъиян ман этилади, тамаки маҳсулотлари савдоси кучли назорат остига олинади. Чекувчилар учун эса жойларда атроф-муҳитга зарар етказмайдиган махсус чекиш хоналари ташкил этилади. Қонунни бузганларга 200 еврогача жарима солинади.

• Кубада мактаб ўқувчиларининг интернет тармоғига уланган мобил телефонлардан фойдаланишини тақиқлаш тўғрисида махсус дастур ишлаб чиқилди. Маҳаллий матбуотнинг ёзишича, кубалик ўқувчилар жуда кўп вақтини телефондаги электрон почта орқали хабар алмашишга сарфламоқда. Бу эса уларнинг фанларни ўзлаштиришига салбий таъсир кўрсатаётди. Мамлакат ҳукумати ушбу муаммони бартараф этиш учун электротехник маҳсулотлар ишлаб чиқаришга ихтисослашган компанияларга болалар учун фақат суҳбатлашиш хизмати мавжуд мобил телефонлар ишлаб чиқаришни тақиқ қилди.



АҲОЛИ САЛОМАТЛИГИ ЙЎЛИДА

(Давоми. Боши 1-бетда)

Жорий йил бошидан буён корхона 14 миллион 190 минг сўм миқдордаги дори воситалари билан ўзининг ҳомийлик ёрдамларини кўрсатиб келмоқда. Жумладан, «Мустаҳкам оила йили» муносабати билан корхона «Соғлом авлод учун» халқаро хайрия жамғармаси тавсиясига кўра Навоий, Сурхондарё вилоятлари ва Қорақалпоғистон Республикасидаги экологик нуқул бўлган ҳудудларда яшовчи аҳолига 600 донга 2 миллион 100 минг сўм миқдордаги «Тозаден» восита-

сини етказиб берди. Чилонзор туманидаги 23-сонли Меҳрибонлик уйи учун 1 миллион 540 минг сўм миқдордаги тиббиёт воситалари билан ёрдам кўрсатилган. Бугунги кунда жамият томонидан Тошкент Фармацевтика институти ва Ўзбекистон Давлат миллий университети кимё кафедраси профессор-ўқитувчилари билан ҳамкорликда илмий ҳамкорлик асосида турли фармацевтик тадқиқотлар олиб борилмоқда. «AGRO BIO KIMYO» МЧЖ корхонасида бугунги кунда матбуот хизмати ҳам ташкил этилган бўлиб, тиббиёт хо-

димларига ва аҳолига дезинфекция ва стерилизация йўналишларида керак бўладиган воситаларнинг тарғиботини олиб бориш мақсадида ўзининг www.abk.uz номли электрон сайти ҳам ташкил қилинган.

— Корхонамизнинг асосий мақсади, — дейди «AGRO BIO KIMYO» МЧЖ матбуот котиби Абдуносир Халилов, — Юртимиз тиббиёт ходимлари ва аҳолисини сифатли, замонавий ва оқори даражаси зарарсизлантириш воситалари билан таъминлаш ва шу йўл орқали бизга гепатит, ОИТС, сил каби юқумли касалликларнинг кириб келиши ва тарқалишига қарши курашишдир.

Фаррух БАХРОМОВ
СУРАТЛАРДА: корхона фаолиятдан лавҳалар

ГРАНТ ЛОЙИҲАЛАРИ ҚЎЛЛАБ-ҚУВВАТЛАНМОҚДА

Мамлакатимизда амалга оширилаётган ижтимоий-иқтисодий ислохотларнинг устуворлигини таъминлаш мақсадида мана бир неча йилдирки, Олий Мажлис ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди томонидан бир қатор грант танловлари эълон қилинмоқда. Шу кунгача ўтказилган танловларда 1200 дан ортиқ нодавлат нотижорат ташкилотлари ва фуқаролик жамиятининг бошқа институтлари ўзларининг 1500 дан ортиқ ижтимоий аҳамиятга эга бўлган лойиҳалари билан иштирок этишди.

Яқинда Фуқаролик жамияти шаклланишини мониторинг қилиш мустақил институтида ана шу мавзуга бағишланган «Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди томонидан ўтказилаётган давлат гранти танловларида Тошкент шаҳри ва Тошкент вилоятининг фаол иштирокини таъминлаш» номли семинар ўтказилди.

Унда Ўзбекистон Республикаси Олий Мажлиси ҳузуридаги Жамоат фонди маблағларини бошқариш бўйича Парламент комиссияси аъзолари, ЎзННТМА, Ўзбекистон Экологик ҳаракати Тошкент шаҳри ва вилояти ҳудудий бўлимлари, хотин-қизлар кўмитаси, «Маҳалла» хайрия жамоат фонди, «Камолот» ЁИХ вакиллари, ҳудудий ННТлар, ОАВ ва фуқаролик жамиятининг бошқа институтлари ходимлари иштирок этди.

Мазкур семинарда фуқаролик жамияти институтларини Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди томонидан жорий йилнинг 24 апрель кун эълон қилинган лойиҳалар танловида иштирок этиш шартлари билан таништириш ҳамда грант лойиҳаларини тайёрлаш бўйича иштирокчиларнинг малакасини оширишга қаратилди.

Тадбирда фуқаролик институтлари, нодавлат ташкилотлари ҳозирги кунда демократик кадрлар, инсон ҳуқуқ ва эркинликлари ҳамда қонуний манфаатларини ҳимоя қилишнинг муҳим омилга айланаётганлиги, фуқароларнинг ижодий салоҳиятларини рўйбга чиқариш, уларнинг ижтимоий, социал-иқтисодий фаоллиги ва сиёсий-ҳуқуқий маданиятини ошириш учун шарт-шароитлар яратиб бериш, жамиятда манфаатлар мувозанатини фаол таъминлашда кўмаклашаётганлиги эътироф этилди.

Ўзбекистон Республикаси Олий Мажлиси ҳузуридаги Жамоат фонди маблағларини бошқариш бўйича Парламент комиссияси раиси А. Саидов «Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фондининг грант танловлари тўғрисида»ги маърузасида Ўзбекистон Олий Мажлиси Қонунчилик палатаси ва Сенати Кенгашлирининг 2008 йил 3 июндаги «Нодавлат нотижорат ташкилотларини, фуқаролик жамиятининг бошқа институтларини қўллаб-қувватлашни кучайтириш чора-тадбирлари тўғрисида»ги қўшма қарорининг қабул қилини-

ши билан нодавлат нотижорат ташкилотлари ва фуқаролик жамиятининг бошқа институтларини қўллаб-қувватлашнинг ноёб механизми вужудга келганини таъкидлаб ўтди. Мазкур қарор асосида Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди ҳамда Фонд маблағларини бошқариш бўйича Парламент комиссияси ташкил этилди. Бундай ҳаракатнинг асосий мақсади — мустақил нодавлат нотижорат ташкилотларини ва фуқаролик жамияти институтларини янада ривожлантириш, уларнинг мамлакатда демократик ўзгаришларни амалга оширишда ва жамиятни эркинлаштиришда фаол иштирок этишига кўмаклашиш, молиялаштириш манбаларини шакллантириш учун мустақил тизим ва объектив шароитлар яратишдан иборат.

Мазкур лойиҳаларни амалга ошириш натижасида аҳолининг турли ижтимоий қатламлари — аёллар, ёшлар, жисмоний имконияти чекланган шахсларни доимий иш ўринлари билан таъминлаш, уларни кичик бизнес ва хусусий тадбиркорлик соҳасига жалб этиш, ҳудудларида миллий хунармандчиликнинг турли шакллари ривожлантириш, йирик корхоналар билан алоқаларни кенгайтириш ҳамда касаначиликни йўлга қўйиш, жамиятда ҳуқуқий ва инсон ҳуқуқлари маданиятини янада юксалтириш, жойларда атроф-муҳит ва аҳоли саломатлигини муҳофаза қилиш, соғлом турмуш тарзини қарор топтириш, фуқаролик жамияти институтлари тизимида ОАВларнинг ўрни ва ролини мустаҳкамлашга эришилмоқда.

Шунингдек, семинарда 2010-2011 йиллар грант танлови ғолиблари — Тошкент шаҳрининг «Академик Қори Ниёзов мероси» илмий методик маркази ҳамда «Тадбиркор аёл» ишбилармон аёллар ассоциациясининг Тошкент вилояти Оҳангарон туман бўлими томонидан амалга оширилган лойиҳа натижалари билан ўртоқлашилди.

Тадбир якунида иштирокчилар Тошкент шаҳри ва вилояти ННТлари ва фуқаролик жамиятининг бошқа институтларининг ижтимоий фаоллигини янада ошириш, ҳудудларни ижтимоий-иқтисодий ривожлантириш масаласида ижтимоий шерикликни янада кучайтириш, фуқаролик жамияти институтларини қўллаб-қувватлашнинг жаҳон тажрибасида камёб бўлган миллий моделмиз имкониятларидан янада кенгроқ фойдаланиш мақсадга мувофиқ эканлигини таъкидлаб ўтишди.

Отабек ОТАЁРОВ

Кунги кеча Ўзбекистон Республикаси Адлия вазирлигида, Ўзбекистон Республикаси Президентининг 2012 йил 10 апрелдаги «Тўғридан-тўғри хорижий инвестициялар жалб этилишини рағбатлантиришга оид қўшимча чора-тадбирлар тўғрисида»ги Фармони аҳамияти юзасидан анжуман бўлиб ўтди.

Фармон ва ижро

САРМОЯДОРЛАР ҲУҚУҚЛАРИНИНГ КАФОЛАТЛАРИ

Тадбирда Ўзбекистон Республикаси Ташқи иқтисодий алоқалар, инвестициялар ва савдо, Молия, Иқтисодиёт вазирликлари, Марказий банк, Давлат солиқ ва Божхона кўмиталари, Савдо-саноат палатаси мутасаддилари, хорижий инвестициялар иштирокидаги корхоналар вакиллари иштирок этдилар.

Республикамизнинг иқтисодий ва экспорт салоҳиятини мустаҳкамлашда хорижий инвестициялар имкониятидан кенгроқ фойдаланиш бугунги куннинг долзарб вазифаларидан бири саналади.

Қайд этиш жоизки, мустақиллик йилларида Ўзбекистонда қулай инвестициявий муҳит шакллантирилди, хорижий инвесторларнинг ҳуқуқ ва манфаатларини ҳимоя қилиш бўйича қонунлар доирасида кенг қўламдаги имтиёзлар, афзалликлар ва кафолатлар тизими жорий этилди.

Натижада республика иқтисодиётининг етакчи тармоқларида хорижий инвестициялар иштирокида 4200 дан зиёд корхона ташкил қилинди ва муваффақиятли фаолият юритмоқда. Ўтган 2011 йилда республика иқтисодиётининг реал секторига қарийб 2 млрд. 900 млн. доллар ҳажмида хорижий инвестициялар жалб қилинган бўлиб, уларнинг 78.8 фоизи тўғридан-тўғри хорижий инвестицияларни ташкил этади. Бу кўрсаткичлар эса хорижий инвесторларнинг республикамиз иқтисодиёти барқарорлигига, унинг ривожланиш истикболларига қизиқиши ҳамда ишончи ортиб бораётганлигидан далолат беради.

Бир қатор давлат ва ҳуқуқни муҳофаза қилувчи идоралар сингари Адлия органларига ҳам хорижий инвесторлар ва хорижий инвестициялар иштирокидаги корхоналарнинг ҳуқуқ ҳамда қонуний

манфаатларини ҳимоя қилишга қаратилган изчил ташкилий-ҳуқуқий чоралар қўриш вазифаси юклатилган. Бу борада вазирлик томонидан соҳага оид қонунчилик, унинг қўлланилиш амалиёти бўйича мутасадди идоралар ҳамкорлигида муайян ишлар амалга оширилмоқда.

Ўтказилган мазкур тадбир республикамизда хорижий инвестициялар ва улар иштирокидаги корхоналарнинг ҳуқуқ ҳамда қонуний манфаатларини ҳимоя қилишга қаратилган кенг қўламдаги имтиёзлар ва кафолатларнинг тушунтирилиши, мазкур соҳага алоқадор давлат органларининг ўзаро ҳамкорлиги самарадорлигини яхшилаш масалаларига бағишланди.

Анжуманда таъкидланганидек, мамлакатимизда ишбу соҳани ривожлантиришда «Тўғридан-тўғри хорижий инвестициялар жалб этилишини рағбатлантиришга оид қўшимча чора-тадбирлар тўғрисида»ги Фармон муҳим аҳамият касб этди.

Фармоннинг аҳамиятли жиҳати шундаки, унга асосан тўғридан-тўғри хорижий инвестициялар учун бериладиган имтиёзлар жорий этиладиган иқтисодиёт тармоқларининг рўйхати қатъий белгилаб берилди.

Тадбир иштирокчилари томонидан хорижий инвестициялар иштирокидаги корхоналар вакиллари мамлакатимизда яратилаётган қулай муҳит, Ўзбекистон Республикасининг соҳага оид янги қабул қилинган норматив-ҳуқуқий ҳужжатлари тўғрисида батафсил тушунтиришлар бериб ўтилди ва улар фаолиятида юзага келаётган масалалар ечими хусусида мутахассислар билан фикр алмашилди.

Адлия вазирлиги
Ахборот хизмати

ДАСТУР ДОИРАСИДАГИ АМАЛИЁТ

Жорий йилнинг август ойида ўзбекистонлик 15 нафар фуқаро Япония ҳукуматининг «Кадрлар тайёрлаш учун стипендиялар тақдим этиш» дастури доирасида кунчиқар мамлакатга жўнаб кетади.

1999 йилдан буён Ўзбекистон ва Япония ўртасида давом этиб келаётган мазкур дастур малакали мутахассисларни тайёрлашга қаратилган. Дастур доирасида амалиёт ўтаган ходимлар келгусида иқтисод, молия ва қонунчилик тизими каби соҳаларда фаолият кўрсатиб, мамлакатимиз ривожига катта ҳисса қўшади.

Япония ушбу лойиҳани амалга ошириш мақсадида 1999 йилдан буён жами 3 миллиард 765 миллион иен маблағ сарфлаган. Бу сафар мазкур дастурни молиялаштириш учун 202 миллион иен (тахминан 2 миллион 500 минг АҚШ доллари) ажратилган. Бугунги кунга қадар 221 нафар ўзбекистонлик мутахассислар Япония олий ўқув юрталари магистратураларида таҳсил олишди.

«Туркистон-пресс»

ЖАМОА ШАРТНОМАСИ: АМАЛИЁТ ВА ТАЖРИБА

Миллий матбуот марказида корхона, ташкилот ва муассасаларда имзоланган жамоа шартномалари орқали ижтимоий шериклик асосида олиб борилаётган ишларнинг инсон манфаатларини ҳимоялашдаги аҳамиятига бағишланган матбуот анжумани бўлиб ўтди.

Жамоа шартномаси иш берувчи билан ходимлар ўртасидаги меҳнатга оид, ижтимоий-иқтисодий, касбий муносабатларни тартибга солиш билан бир қаторда уни барқарорлаштирувчи локал норматив ҳужжат ҳисобланади. Айни дамда мамлакатимизда Бош келишув, 85 та тармоқ келишувлари, Қорақалпоғистон Республикаси, вилоятлар ва Тошкент шаҳри даражасида 14 та ҳудудий келишув, хусусан 509 та ҳудудий-тармоқ келишуви амал қилмоқда. Бевоқифа корхона, ташкилот ва муассасаларда имзоланган 91 мингдан зиёд жамоа шартномалари орқали 4 миллион 128 минг нафар ходим манфаатлари ҳимояга олинган. Мазкур шартномалар асосида юридик шахсларнинг 94 фоизи қамраб олинган.

Йиғилишда жамоа шартномасини бекор қилишдан аввал ходим ва иш берувчининг муносабатларини тўғри йўлга қўйиш ҳамда ташкилотдаги касбага уюшмасининг розилигини олиш лозимлиги қайд этилди. Ҳозирги кунда муассасалар қрошида фаолият юритаётган жамоа шартномалари меҳнатқашларнинг бандлик, меҳнат хавфсизлиги, даромадларни ошириш, ҳуқуқий ва ижтимоий ҳимоялашга қаратилганлиги билан аҳамиятлидир.

Матбуот анжуманида таъкидланганидек, ижтимоий шерикчилик самарасини «Олмалик тоғ-металлургия комбинати», «Максам-Чирчик», «Жомбой Дон», «Хоразм Шакар» очик акциядорлик жамиятлари, Тошкент шаҳар 1-болалар клиник шифохонаси, Гиждувон туман тиббиёт бирлашмалари, Қорақалпоғистон Давлат университети каби кўплаб иноқ ва аҳил жамоа ташкилотлари мисолида кўриш мумкин. Мазкур корхоналарда ходимларнинг жамоа шартномалари орқали йил давомида олаётган даромадлари 600 минг сўмдан 3 миллионгачани ташкил этади.

— Бугунги кунда жамоа шартномаларида меҳнат хавфсизлиги даражасини юксалтириш, иш жойларнинг санитар-гигиена ҳолатини яхшилаш, маиший хоналар билан таъминлаш, меҳнат муҳофазаси қоидаларига ўқитиш, зарарли меҳнат шароитлари учун имтиёз ва компенсациялар ўрнатилган масалаларига алоҳида эътибор қаратилмоқда, — дейди «Туркистон-пресс» муҳбирига Ўзбекистон касба уюшмалари Федерацияси кенгаши раиси Танзила Нарбоева. — Хусусан, овқатланиш, йўл ҳақи, қишлоқ ҳўжалиги маҳсулотларини харид қилиш учун тўловлар, тармоқда ишлаб чиқариладиган маҳсулотларни имтиёзли бериш, моддий ёрдам кўрсатиш, меҳнат учун рағбатлантириб бориш асосан касба уюшмалари зиммасидаги вазифадир. Биргина 2011 йилда 73 мингга яқин фуқаро 52 мингдан зиёд оилага 23,5 миллиард сўмлик ижтимоий кўмак берилди. Бокувчисини йўқотган оилаларнинг фарзандларига ўқув қуролилари берилиб, 55 мингга яқин кам таъминланган оилага моддий ёрдам кўрсатилди. 1460 та оилага уй-жой қурилиши ҳамда узоқ муддат фойдаланиладиган товарларни сотиб олиш учун субсидиялар берилди. Олий таълим муассасаларининг 2300 нафар талабасига тўлов шартнома пуллари тўлаб берилди. «Мустаҳкам оила йили» да мазкур кенг қўламли ишлар янада жонланиб, самарадорлиги юксалди.

Тадбирда Касбага уюшмалари қарашли 15 та санаторий, 24 та спорт-мактаб ҳамда соғломлаштириш масканларида меҳнатқашларнинг ижтимоий-иқтисодий ва маданий ҳуқуқлари ҳимоя қилиниб, ёзги мавсумда дам олишлари учун қўшимча имтиёзлар яратилаётганлиги эътироф этилди.

Азима ҚИЁСОВА

Ёз — ўтади соз

СЎЛИМ ОРОМГОҲЛАР ЧОРЛАЙДИ

Мактабларда сўнги кўнгирик чалиниб, ўқувчиларнинг ёзги таътилга чиқишларига оз фурсат қолди. Ҳар сафаргидек бу йил ҳам толиби илмларнинг аксариятини болалар оромгоҳлари ўз бағрига олади. Алоқа ва ахборотлаштириш соҳаси ходимлари фарзандлари ҳам таътилни мароқли ўтказадилар.

Ёзги соғломлаштириш мавсумига тайёргарликни барвақт бошлаб юбордик, — дейди Ўзбекистон алоқа ходимлари касбага уюшмаси Марказий кенгаши раиси Т. Тешабоев. — Ахир ёз дам олиш ҳамда саломатликни мустаҳкамлаш мавсуми эмасми. Шу боис мавсумни муваффақиятли ўтказиш мақсадида кенг қўламли тадбирлар режаси тузиб чиқилди. Соҳа ходимларининг 7-13 ёшгача бўлган фарзандлари сони 2012 йил биринчи апрель ҳолатига кўра 10148 нафарни ташкил этди. Тасарруфимиздаги «Нилуфар», «Ёш алоқачи» каби оромгоҳларда мавсумга тайёргарлик ишлари атрофича ўрганиб чиқилди. Маълумотларга кўра, оромгоҳлар жорий йилнинг 25 майга қадар тўла таъмирдан чиқарилиб, тахт қилиб қўйилди.

«Тошкент шаҳар телефон тармоғи» филиали касбага уюшмаси фаолиги билан мавсумга ҳамма нарса тайёр холга келтирилди. Филиал тасарруфидидаги «Нилуфар» ҳамда «Алоқачи» болалар соғломлаштириш оромгоҳларидаги ошхона, бассейн, йўл ва йўлакчалар тартибга келтирилди. Лозим деб топилган жойлар қайта таъмирланди. «Алоқачи» ва «Нилуфар» оромгоҳларида нафақат пойтахтлик алоқачиларнинг, балки «Қорақалпоқ Телеком», «Хоразм Телеком», «Сирдарё Телеком» каби корхоналарда меҳнат қилаётган ходимларнинг ўғил-қизлари ҳам ёз мавсуми гаштини сурадилар.

Маълумот ўрнида айтиш жоизки, «Алоқачи» оромгоҳида ҳар мавсумда 120 нафар, «Нилуфар»га эса 220 нафар бола жалб этилади. Катталар ва болаларнинг саломатлигини муҳофаза қилиш йил бўйи давом этади. Бинобарин, ходимларнинг турли санаторийларда даволанишлари учун имтиёзли йўлномалар ажратилди. «Марварид», «Кумушқон» дам олиш уйларида кўплаб алоқа ходимлари ҳордиқ чиқарадилар.

Ақбар АЛИЕВ

